

simum quod etiam si in discessimis locis fieret, tamen cum de rebus & scriptis Ecclesiasticis ageretur, insiderent in memoria, quae pridie Africana Synodi ad Theodorum Papam scribentes afferuerint; nempe,

\* Extant Sy-  
nodal epist.  
in Lateran.  
Council sub  
Mart. Secret.

2.

Ab antiquis regulis sancitum esse, ut quidquid quamvis in remotis, vel in longinquis ageretur provincijs, non prius tractandum vel accipiendo esset, nisi ad nouitiam almam Sedis Apostolicam fuisse deductum, ut eius auctoritate iusta quae fuisse pronuntiatio firmaretur, indeque sumeret ceterae Ecclesiae, velut de natali suo fonte prædicationis exordium, & per diversas totius mundi regiones puritatis incorruptae manerent fidei sacramenta salutis, & quae propius ad rem nostram Gotifridus, Pantheon suum, seu Historiam universalem, Vibano PP. III. offerens, pramontisset<sup>b</sup>, Nullum scripturarum elo- gium nosci esse authenticum, nisi a lacrofanetæ Matris nostræ Romanæ Ecclesiæ sapientiæ fluminibus, sipientibus propinetur: & ideo si quod Historiarum opus nova per aliquem institutione conficitur, rationem fuggere, ut antequam in publicum deveniat, Apostolico eius examini præsentetur: quatenus si acceptione dignum esse perpenditur, eius mandato & iudicio approbetur; & ab eo vires auctoritatemque recipiat, cui terrena & cælestia divinitus sunt commissa.

*His itaque de causis, cum isthac offerenda cogitassem Summo & Universali Christianorum Pontifici; re tamen postmodum accuratius considerata, ut quae illi elaborata essent, Tibi potius CH R I S T I A N I S S I M A Ecclesia, persolverentur, ratiocvisa est postulare non tantum quod apud Te edantur, & Tuis beneficj promoveantur, dum quae omnibus munifica esse consuēti, mei quoque patrocinium liberaliter suscepisti, & quod Gallus ego origine & ortu, amantissimi Galliarum scriptoris volumina evolvam: sed præcipue quod integrum Opus iam Summo Pontifici ab auctore primario dicatum fuerit; nec ulla sit Ecclesia, post omnium matricem Romanam, quae proximiū ei ab ipso initio inhaeserit, fide, doctrina, unitate, dignitate. Tu enim aut prima, aut inter primas, Evangelium ab eo suscepisti. Et cum reliqua fere omnes deformissima pepererint, soverint ve monstra hæresum, quorum servili iugo cervices submiserunt; Tu euusmodi portenta non habuisti, sed viris semper fortissimis & eloquentissimis abundasti. Cumque cetera regiones proclives ad Schismata fuerint, Tu nunquam aliqua factione fœdata es, nec fabricata es in Ecclesia idolum, aut venerata in Petri Cathedra monstrum; sed veris legitimisque Pontificibus ingiter inhaesisti. Quippe semper Te & Deus & agnitione veritatis illustravit, & pedes Tuos a iustitia tramite nullatenus aberrare permisit: sed sicut omnes, quos ad oppressionem Romana Ecclesia rabida tyrannici furoris provexit invidia, virtus Altissimi manifesta deiecit; sic omnibus quos devotione GALLICANA suscepit, victoriam semper contulit & triumphum. Tu rursum fide, eadem es hodieque illa, cuius olim unus<sup>1</sup> quidam ex Tuis sanctis Recto-*

\* Hiero. ad-  
vers. Vigilab.

<sup>d</sup> Bern. Bo-  
navent. in Vi-  
ta S. Bern.  
Clareval.  
lib. 1. cap. 1.

<sup>c</sup> Arnulph.  
Lexouensis.  
ad Episcopos  
Angl.

<sup>1</sup> Hilar. de  
Synodi.

ribus